

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Philippi Melanchthonis Grammatica Latina

Melanchthon, Philipp

Wittebergae, 1621

Caput I. Quid syntaxis et quotuplex

[urn:nbn:de:bsz:31-112308](https://nbn-resolving.org/urn:nbn:de:bsz:31-112308)

QUARTA PARS

SYNTAXIS.

CAPUT I.

QVID SYNTAXIS ET
QVOTUPLEX.

† Quid est Syntaxis?

Syntaxis¹ est pars Orationis, quæ rationem² conjugendarum vocum, seu faciendæ orationis,³ docet.

† Quid est Oratio?

Oratio est integræ sententiæ explicatio.

† Quæ sunt partes Essentiales Orationis?

Nomen⁴ & Verbum.

† Estne etiam Syntaxis in reliquis partibus?

Est Syntaxis non tantum Declinabilem, sed & Indeclinabilem partium.

De Singulis ordine agetur.

△ Qvotuplex est Syntaxis? 5

Duplex: Intransitiva, & Transitiva.

△ Quid est Syntaxis Intransitiva?

Est in qua voces, ex quibus constat oratio, ad eandem personam referuntur. ut, *Vir Bonus*; *Fama, malum*; *Tu es Petrus*.

Dicitur & Syntaxis Convenientiæ.

Quid

△ Quid est Syntaxis Transitiva?

Est in qua voces, ex quibus constat oratio, ad diversas personas referuntur. *ut, Liber Ciceronis; Argentum vilius auro. Vir dignus laude. Verbero Davum. Davus verberatur ab hero.*

Dicitur & Syntaxis Rectionis.

CAPUT II.

SYNTAXIS NOMINUM

Intransitiva in genere.

REGULA I.

- 1.2. * Adjectivum¹ & Substantivum,² eodem Genere, Numero, & Casu coherent.

ut:

Amicus certus, in re incerta cernitur. [*Enn. apud Cic. Lal.*]

3. *Tres³ Equi. Quingve millia.*

Nam tua res agitur, paries quum proximus ardet. *Hor. st. lib. 1. ep. 18.*

Forma viros neglecta decet. *Ovid. l. 1. de arte.*

4. *Homo nihili,⁴ nauci. Eiusmodi ingenia.*

† Nota. Participium Passivum inter duo Substantiva positum, regulariter cum Præcedente quoad Genus convenire debet. *ut:*

Verbum factum caro; non facta.

Iullia nata homo; non natus.

Bonosus Imperator, quum vitam laqueo finisset, dictus est Amphora pendens; [*Flav. Vo. pisc. in vita illius*] *non, dicta.*

REGU.